

Nunalerinermut tunngassuteqartuni ineriartortitsinerup siuarsarneqarnissaa pillugu Namminersornerullutik Oqartussat nalunaarutaat nr. 26, 22. juni 2001-imeersaq.

Nunalerineq pillugu Inatsisartut inatsisaat nr. 5, 2. maj 1996-imeersumi § 11 naapertorlugu aalajangersarneqarpoq:

Atuuffii

§ 1. Nalunaarummi matumani pineqarpoq nunalerinermut tunngassuteqartuni ineriartortitsinerup siuarsarneqarneranut tapiissutinik malittarisassaqaqtitsinikkut aqutsineq.

Nutarteraluni ineriartortitsinerup tapiissuteqartarnej

§ 2. Inuussutissarsiornermut Pisortaqaarfik ukununga tapiissuteqarsinnaavoq;

- 1) nunalerinermut tunngatillugu ineriartortitsinerup suliareqqisarnernillu suliniutinut,
- 2) nunalerinermut tunisassiamik suliareqqisarnernut inuussutissarsiornermut tunngatillugu iluaqutigineqarnissaat siunertaralugu,
- 3) nunalerinermut tunisassiamik nutaamik nittarsaassinerup tunitsivissarsiornermut aningaasartuutinut imaluunniit nunalerinermut tunisassiamik ilisimaneqareersumik tuniniaavimmi nutaami nittarsaassinerup, imaluunniit nunalerinermut tunisassiat Kalaallit Nunaanni tunisassiarineqartut pillugit nalinginnaasumik tunitsivissarsiorluni suliniuteqarnernut atatillugu,
- 4) misissuinerup, nunalerinermut tunngassuteqartuni periarfissanik nutaanik nassaarniarluni qulaajaanernik siunertalinnut, taamatuttaaq siunissami tunisassiorqalernissaa tamakkulu pisortanit ingerlatsivigineqarnissaat pillugit ilisimasassanik pisariaqartinneqartunik pissarsiniartarnernut,
- 5) maannakkut tunisassiaareersut pillugit uumassusilinnut nunalerinermullu tunngatillugu misissuinerup kiisalu nunanik misissuinerup uppersaasarsuisarnernullu, isumalluutitigut tunngavigisat avatangiisinut aningaasaqarnermullu tunngatillugu illersorneqarsinnaasumik iluaqutigineqarnerisa qulakkeerneqarnissaannut sunniuteqaqataasussanut, aamma
- 6) misissuinerup, tunisassiornerup naleqarnerulersinneqarnissaanik pisariillisaavigineqarnissaanillu siunertalinnut kiisalu tamakku ingerlatsivigineqarnerisa pitsanngorsarnissaannut suliniutinut.

§ 3. Qinnuteqaateqartut suliniutissaatut pilersaarutaat tapiissuteqarfigineqarsinnaatitaasut, ± 2 malillugu aningaasartuutit

uppernarsarneqartut akilerneqareersimasullu suliniutissatut pilersaarummut pineqartumut attuumassuteqartut annerpaamik 50 %-ii tapiissutisiarisinnaavaat, taamaattoq § 9 takuuk.

Imm. 2. Nalunaarummi matumani aningaasartuutitut paasineqassapput toqqaannartumik akissarsianut, siunnersortinik ikiorteqarnernut, pisariaqartinneqartumik angalanernut aningaasartuutitut, atortussanut, immikkut atortussanut suliniutissatullu pilersaarutip aalajangersimasup misilerarneqarneranut aningaasartuutit. Taamaattorli sanaartukkanut aningaasaliissutinut, nalikilliliinerni peqataassutinut, ininut aningaasartuutit kiisalu nalinginnaasumik ingerlatsinermut kiffartuussinernullu aningaasartuutit ilaatinneqarsinnaanngillat. Taamatuttaaq suliniutinut aningaasartuutit, ullup aningaasaliissuteqarfiup siornaniittut ilaatinneqarsinnaanngillat.

Imm. 3. Ukiut ataasiakkaarlugit tapiissuteqartoqartassaaq. Qinnuteqaateqartoqaaqqisinnaavoq.

Tapiissuteqarfigineqarsinnaanermut piumasagaatit

§ 4. § 2 malillugu tapiissuteqarfigineqarnissamik qinnuteqaatit Inuussutissarsiornermut Pisorta qarfiimmut nassiunneqartassapput.

Imm. 2. Inuussutissarsiornermut Pisorta qarfiup suliniutip erseqqissarneqarnissaanut immikkut qinnuteqarnermut immersuiffissaq qinnuteqaateqartumit immersorneqartussaaq suliarisinnaavaa.

Imm. 3. Taaamaallaat qinnuteqaatinut suliniummik aalajangersimasumik imalinnut tapiissuteqartoqarsinnaavoq. Qinnuteqaateqartup suliamut aalajangersimasumut tunngatillugu nassuaateqarfigissavai suliniutigineqartoq qanoq ingerlareersimatiginersoq aamma suliniuteqarnermi suna anguniagaanersoq kiisalu anguniakkap taassuma anguneqarnissaanut suliat isumagineqartussatut naatsorsuutigineqartut.

§ 5. Qinnuteqaateqartup suliniutip naammassinissaanut suliamut tunngatillugu pisariaqartinneqartumik tunuliaqutarisani uppernarsarsinnaassavai. Piumasagaatit tamakku naammassisinnaajumallugit qinnuteqaateqartoq ineriartortitsinermik sulinerup taassumaluunniit ilaata naammassineqarnissaa pillugit suliffeqarfinnut sullissivinnuunniit allanut isumaqatigiissuteqarsinnaavoq.

Imm. 2. § 2, imm. 1, nr. 1-3 naapertorlugit suliniutinut tapiissuteqartoqarnissaanik qinnuteqaatini suliniutip aningaasanik iluanaaruteqarnissaaq siunertaralugu niuernermut tunngatillugu imminut akilersinnaassuseqarnerata ilimanassuseqarnera uppernarsaaserneqassaaq. Piumasagaatit tamakku naammassisinnaajumallugit qinnuteqaateqartoq aningaasaleeqataasoqarsinnaaneranik suliffeqarfinnut allanut imaluunniit sullissivinnut allanut isumaqatigiissuteqarsinnaavoq.

Nalunaaruteqartarneq

§ 6. Suliniut piumasaqaatit piffissaliussallu, qinnuteqaateqartup aamma Inuussutissarsiornermut Pisorta qarfiup akornanni tapiissuteqarnissamik isumaqatigiissummi aalajangersimasumi aalajangersarneqartut tunngavigalugit taakkulu iluanni naammassineqassaaq.

§ 7. Naammassinninnissamik piffissaliussap isumaqatigiisutigineqartup kingornatigut kingusinnerpaamik qaammatit pingasut qaangiunneranni suliniummut naatsorsuutit aamma suliniummut suliamik ilisimasallit nalunaarusiaat Inuussutissarsiornermut Pisorta qarfiup nassiunneqassapput, taannali pisinnaatitaavoq piffissaliussaq sivikillillugu aalajangersaasinnaanissaminut. Inuussutissarsiornermut Pisorta qarfiup suliamik ilisimasallit nalunaarusiaat apeqqutinik akisilluni immersuiffissamik immersuinikkut akineqaqqusinnaavaa. Akissuteqarluni nalunaaruteqannginnerup kingunerisinnaavaa tapersiissutit akiliutigineqareersut utertillugit akileqquneqarnerannik piumasaqaateqarneq. *Imm. 2.* Aallaqqaammut ineriartortitsinissamik pilersaarummut naleqqiullugu annertuunik allanngortoqarpat Inuussutissarsiornermut Pisorta qarfiup akissuteqarluni nalunaaruteqartoqassaaq, taamatuttaaq suliniut naammassineqarsinnaajunnaartutut nalilerneqarpat. Akissuteqarluni nalungaaruteqanngitsoonerup kingunerisinnaavaa aningaasat tapiissutigineqartussat suli akiliutigineqanngitsut unitsinneqarnerat.

Tapersiissutissanik akuersissutigineqareersunik unitsitsineq

§ 8. Tapersiissutissanik akuersissutigineqareersunik akiliuteqarnissaq § 7-imi taaneqartut saniatigut unitsinneqarsinnaavoq imatut pisoqarpat;

- 1) Inuussutissarsiornermut Pisorta qarfiup suliniut naammassineqarsinnaajunnaartutut nalilerpagu,
- 2) tapiissutinik tiguisusaaq eqqunngitsunik paatsoortitsisinnaasunilluunniit paasissutissiisimappat,
- 3) tapissutinik tiguisussap tapiissutit tunniunneqarnissaannut paasissutissat pingaarutillit nipangiussimappagit imaluunniit
- 4) tapissutinik tiguisussap piffissaliussat isumaqatigiisutigineqartut eqqortissimangippagit, § 6 takuuk.

Immikkut akuersissuteqarsinnaaneq

§ 9. Inuussutissarsiornermut Pisorta qarfiup suliniutip naammassineqarnissaanut pisariaqartinneqartutut isumaqarfigineqarpat § 3, imm. 1-imi procentiliussanik taaneqartoq aalajangersimasumik nalilersuereerluni saneqqussinnaavaa.

Atuutilersitsineq

§ 10. Nalunaarut manna 10. juli 2001-imi atuutilerpoq.

Namminersornerullutik Oqartussat, 22. juni 2001.

Simon Olsen

/

Amalie Jessen